


**M**e du aber finden sollt nach ordnung die leng einer yestlichen geraden Linien / die da auff den Schnecken gesetz wurdet dem thū also / Nym eyn zirckel / setz in mit dem ein fuß in den Puncten. 12. Vnd den Andern in den Puncten. i. vnd reyß vondaß rund vbersich / Dar nach setz des zirckels fus in den Puncten. i. vnd den andern in den Puncten. 12. von daß reyß auch runde vbersich / wo sich dann die zwey runden ryß durch eynander schneyden / da setz eynn Puncten. c. Also thū zwischen allen Puncten der ryßern in der Schnecken Lini / als zwischen . 1/2. vnd . 2/3 rc. vnd bezeichnen oben die schlüß der runden Ryß nach eynander / Als d.e.f.g.rc. durchs ganz abe / so weyt es reyche / So du dañ mit geraden Lini zusammen zeichst. c.d.vnd.d.e.vnd.f.g.rc/ also durch den ganzen umblauff aller buchstabenn / so schneyden sie dir ab die gestragten Linien die da gekogen sind aus den Puncten. 1/2/3/4/rc/ also durch die andern zall all / So du aber die bletter / die durch die runden Ryß worden sind / füglich mit eym mittel Ryß teylen willt / so reyß erslich aus dem Puncten. c. darnach aus den Puncten. d.e.f.g.rc/ geradt Linien gegen dem Centro.a. byß auff die Schneckenlini / Also komen diese ding ordenlich / das sichesstu hieunden auffgeryffen.

Wie lang nach ordnung die geraden Linien auff der Schnecken Lini seyn sollen.



**S**othyn will ich die Schneckenlini eynfach machen / vnd vom Cirkelyß in Centru a. füren / auch wider bletter darauff setzen / Aber die geraden Linien / die durch die bletter gekogen werden / stendt anderst / dañ die vorgestelten Linien / Erslich reyß aus dem zentrum. a. ein zirckelyß / vnd punctur in mit ryßern wie vor / Aber die auffrechte Lini / a. b. damit du vñher ferst / die zerteyl mit . 11. puncten in . 12. gleiche feld / Und far dañ wider mit herum / wie du vor bericht bist / vnd punctur die Schneckenlini / byß in Centro. a. Also ist diße Lini gemacht vnd zu vñll dingen brauchlich / sonderlich ist sie auch zu eynem Bischoffstab zu brauchen / zu dem mus man jm also thun / Zeich von dem zirckelyß / auf dem puncten. 6. eyn gerade Lini vndersich / vñ brauch den halben zirckelyß / mit der grossern zall / zu sambe der Schneckenlini / Aber den andern halben zirckel / mit der mindern zal / laß aussen / darnach nym ein zirckel / vñ setz in mit dem